

საქართველოს მთავრობის

დადგენილება №178

2019 წლის 29 მარტი

ქ. თბილისი

თანამდებობის პირის ქონებრივი მდგომარეობის დეკლარაციის წარდგენის წესისა და იმ თანამდებობის პირთა თანამდებობრივი რეესტრის დამტკიცების შესახებ, რომელთათვისაც სავალდებულოა ქონებრივი მდგომარეობის დეკლარაციის შევსება

მუხლი 1

„კორუფციის წინააღმდეგ ბრძოლის შესახებ“ საქართველოს კანონის მე-14 მუხლის პირველი პუნქტისა და მე-18 მუხლის მე-2 პუნქტის „ე“ ქვეპუნქტის შესაბამისად, დამტკიცდეს თანდართული „იმ თანამდებობის პირთა თანამდებობრივი რეესტრი, რომელთათვისაც სავალდებულოა თანამდებობის პირის ქონებრივი მდგომარეობის დეკლარაციის შევსება“.

საქართველოს მთავრობის 2023 წლის 16 იანვრის დადგენილება №10 – ვებგვერდი, 17.01.2023წ.

მუხლი 2

შესაბამისი საჯარო დაწესებულების ადამიანური რესურსების მართვის ერთეულის ხელმძღვანელი ან საამისოდ უფლებამოსილი პირი ვალდებულია, სათანადო ადმინისტრაციულ-სამართლებრივი აქტის გამოცემიდან არაუგვიანეს 7 სამუშაო დღისა საჯარო სამართლის იურიდიულ პირს – ანტიკორუფციულ ბიუროს (შემდგომში – ბიურო) წერილობით მიაწოდოს ინფორმაცია პირის სადეკლარაციო თანამდებობაზე განწესების ან სადეკლარაციო თანამდებობიდან გათავისუფლების შესახებ.

საქართველოს მთავრობის 2023 წლის 24 ივლისის დადგენილება №274 – ვებგვერდი, 25.07.2023წ.

მუხლი 3

შესაბამისი საჯარო დაწესებულების ადამიანური რესურსების მართვის ერთეულის ხელმძღვანელი ან საამისოდ უფლებამოსილი პირი ვალდებულია, სადეკლარაციო თანამდებობის შეცვლის ან შესაბამისი საშტატო ერთეულის გაუქმების, აგრეთვე საჯარო დაწესებულების სტრუქტურაში ცვლილების შეტანის შემთხვევაში, სათანადო სამართლებრივი აქტის გამოცემიდან არაუგვიანეს 7 სამუშაო დღისა წერილობით აცნობოს ბიუროს.

მუხლი 4

თანამდებობის პირის ქონებრივი მდგომარეობის დეკლარაცია წარდგენილი უნდა იქნეს ელექტრონული ფორმით, დეკლარირების ერთიანი ელექტრონული სისტემის მეშვეობით, რომლის ადმინისტრირებას უზრუნველყოფს ბიურო.

მუხლი 5

„ნორმატიული აქტების შესახებ“ საქართველოს ორგანული კანონის 25-ე მუხლის შესაბამისად, ძალადაკარგულად გამოცხადდეს „თანამდებობის პირის ქონებრივი მდგომარეობის დეკლარაციის წარდგენის წესისა და იმ თანამდებობის პირთა თანამდებობრივი რეესტრის დამტკიცების შესახებ, რომელთათვისაც სავალდებულოა ქონებრივი მდგომარეობის დეკლარაციის შევსება“ საქართველოს მთავრობის 2014 წლის 12 თებერვლის №139 დადგენილება.

მუხლი 6

დადგენილება ამოქმედდეს გამოქვეყნებისთანავე.

პრემიერ - მინისტრი

მამუკა ბახტაძე

იმ თანამდებობის პირთა თანამდებობრივი რეესტრი, რომელთათვისაც სავალდებულოა თანამდებობის პირის ქონებრივი მდგომარეობის დეკლარაციის შევსება

თავი I

საქართველოს სახელმწიფო-პოლიტიკური თანამდებობის პირები



მუხლი 1

1. საქართველოს პრეზიდენტი.
2. საქართველოს პარლამენტის წევრი.
3. საქართველოს პრემიერ-მინისტრი, საქართველოს მინისტრი, საქართველოს სახელმწიფო მინისტრი.
4. საქართველოს მინისტრის პირველი მოადგილე და მოადგილე.
5. საქართველოს სახელმწიფო მინისტრის პირველი მოადგილე და მოადგილე.
6. აფხაზეთისა და აჭარის ავტონომიური რესპუბლიკების უმაღლესი წარმომადგენლობითი ორგანოების წევრები.
7. აფხაზეთისა და აჭარის ავტონომიური რესპუბლიკების მთავრობათა თავმჯდომარეები.
8. აფხაზეთისა და აჭარის ავტონომიური რესპუბლიკების აღმასრულებელი ხელისუფლების დაწესებულებათა ხელმძღვანელები და მათი მოადგილეები.

საქართველოს მთავრობის 2020 წლის 18 აგვისტოს დადგენილება №511 – ვებგვერდი, 20.08.2020წ.

თავი II

პოლიტიკური თანამდებობის პირები

მუხლი 2

1. სახელმწიფო რწმუნებული და მისი მოადგილე.
2. ადგილობრივი თვითმმართველობის წარმომადგენლობით ორგანოებში:

მუნიციპალიტეტის საკრებულოს თავმჯდომარე და მისი მოადგილე, საკრებულოს კომისიათა თავმჯდომარეები, საკრებულოს ფრაქციათა თავმჯდომარეები.

3. ადგილობრივი თვითმმართველობის აღმასრულებელ ორგანოებში:

ა) მუნიციპალიტეტის მერი, მისი პირველი მოადგილე (ვიცე-მერი), მოადგილე;

ბ) მუნიციპალიტეტის გამგებელი, მისი მოადგილე.

საქართველოს მთავრობის 2020 წლის 18 აგვისტოს დადგენილება №511 – ვებგვერდი, 20.08.2020წ.

თავი III

საქართველოს აღმასრულებელი ხელისუფლების თანამდებობის პირები

მუხლი 3

საქართველოს სამინისტროებში:

ა) სამინისტროს პირველადი სტრუქტურული ერთეულის ხელმძღვანელი, მისი მოადგილე და მათთან გათანაბრებული პირები;

ბ) სამინისტროს მეორადი სტრუქტურული ერთეულის ხელმძღვანელი და მასთან გათანაბრებული პირი;

გ) საქართველოს სახელმწიფო საქვეუწყებო დაწესებულების ხელმძღვანელი და მისი მოადგილე.



მუხლი 4

საქართველოს სახელმწიფო მინისტრის აპარატში:

საქართველოს სახელმწიფო მინისტრის აპარატის პირველადი სტრუქტურული ერთეულის ხელმძღვანელი, მისი მოადგილე და მათთან გათანაბრებული პირები, აგრეთვე მეორადი სტრუქტურული ერთეულის ხელმძღვანელი და მასთან გათანაბრებული პირი.

საქართველოს მთავრობის 2020 წლის 18 აგვისტოს დადგენილება №511 – ვებგვერდი, 20.08.2020წ.

მუხლი 5

საქართველოს შინაგან საქმეთა და საქართველოს თავდაცვის სამინისტროებში:

1. საქართველოს შინაგან საქმეთა სამინისტროს დეპარტამენტების, ბიუროების, მთავარი სამმართველოებისა და სამმართველოების უფროსები და მათი მოადგილეები, აგრეთვე მათთან გათანაბრებული პირები.

2. საქართველოს თავდაცვის სამინისტროში, გარდა ამ დანართის მე-3 მუხლით გათვალისწინებული თანამდებობის პირებისა, აგრეთვე:

ა) დეპარტამენტების, მთავარი სამმართველოების, სამმართველოების უფროსები და მათი მოადგილეები და მათთან გათანაბრებული პირები;

ბ) თავდაცვის ძალების მეთაური, მეთაურის პირველი მოადგილე, მოადგილე და მოადგილე – გენერალური შტაბის უფროსი.

მუხლი 6

საქართველოს სახელმწიფო უსაფრთხოების სამსახურის სისტემაში:

ა) საქართველოს სახელმწიფო უსაფრთხოების სამსახურის უფროსი და მისი მოადგილეები;

ბ) საქართველოს სახელმწიფო უსაფრთხოების სამსახურის სტრუქტურული ქვედანაყოფების, მათში შემავალი მთავარი სამმართველოებისა და სამმართველოების უფროსები და მათი მოადგილეები, აგრეთვე მათთან გათანაბრებული პირები.

მუხლი 7

საზღვარგარეთ საქართველოს დიპლომატიურ წარმომადგენლობებსა და საკონსულო დაწესებულებებში:

ა) სხვა სახელმწიფოში საქართველოს საგანგებო და სრულუფლებიანი ელჩი, საერთაშორისო ორგანიზაციასთან არსებული საქართველოს მუდმივი წარმომადგენლობისა და საერთაშორისო ორგანიზაციასთან არსებული საქართველოს წარმომადგენლობის ხელმძღვანელი, მისი მოადგილე;

ბ) საქართველოს საკონსულო დაწესებულების ხელმძღვანელი;

გ) საგანგებო და სრულუფლებიანი დესპანი.

თავი IV

საქართველოს სასამართლო ხელისუფლების თანამდებობის პირები

მუხლი 8



1. საქართველოს საკონსტიტუციო სასამართლოს წევრი.
2. საქართველოს საერთო სასამართლოს მოსამართლე.
3. საქართველოს იუსტიციის უმაღლესი საბჭოს წევრი.

თავი V

საქართველოს სხვა თანამდებობის პირები

მუხლი 9

საქართველოს პარლამენტში:

საქართველოს პარლამენტის აპარატის უფროსი, მისი მოადგილე, პირველადი სტრუქტურული ერთეულის ხელმძღვანელი და მათთან გათანაბრებული პირები.

საქართველოს მთავრობის 2020 წლის 18 აგვისტოს დადგენილება №511 – ვებგვერდი, 20.08.2020წ.

მუხლი 10

საქართველოს პრეზიდენტის სათათბირო ორგანოში:

პრეზიდენტის სათათბირო ორგანოს წევრი.

მუხლი 11

საქართველოს პრეზიდენტის ადმინისტრაციაში:

ა) საქართველოს პრეზიდენტის ადმინისტრაციის უფროსი და მისი მოადგილე;

ბ) საქართველოს პრეზიდენტის ადმინისტრაციის პირველადი სტრუქტურული ერთეულის ხელმძღვანელი, აგრეთვე მასთან გათანაბრებული პირი;

გ) საქართველოს პრეზიდენტის საპარლამენტო მდივანი.

საქართველოს მთავრობის 2020 წლის 18 აგვისტოს დადგენილება №511 – ვებგვერდი, 20.08.2020წ.

მუხლი 12

საქართველოს მთავრობის ადმინისტრაციაში:

ა) საქართველოს მთავრობის ადმინისტრაციის უფროსი და მისი მოადგილე;

ბ) საქართველოს მთავრობის ადმინისტრაციის პირველადი სტრუქტურული ერთეულის ხელმძღვანელი და მასთან გათანაბრებული პირი;

გ) საქართველოს მთავრობის საპარლამენტო მდივანი.

საქართველოს მთავრობის 2020 წლის 18 აგვისტოს დადგენილება №511 – ვებგვერდი, 20.08.2020წ.

მუხლი 13

საქართველოს სახელმწიფო აუდიტის სამსახურში:

ა) გენერალური აუდიტორი, მისი მოადგილე;



ბ) საქართველოს სახელმწიფო აუდიტის სამსახურის პრეზიდენტის წევრი, დეპარტამენტების, რეგიონალური და ქალაქის ბიუროების ხელმძღვანელები, აფხაზეთისა და აჭარის ავტონომიურ რესპუბლიკებში სტრუქტურული ერთეულების ხელმძღვანელები.

მუხლი 14

საქართველოს გენერალური პროკურორი, გენერალური პროკურორის პირველი მოადგილე და მოადგილეები, საქართველოს გენერალური პროკურატურის დეპარტამენტების უფროსები, აფხაზეთისა და აჭარის ავტონომიური რესპუბლიკების, თბილისის, საოლქო და რაიონული პროკურორები.

მუხლი 15

აფხაზეთისა და აჭარის ავტონომიური რესპუბლიკების საქვეუწყებო დაწესებულებათა ხელმძღვანელები.

მუხლი 16

ადგილობრივი თვითმმართველობის აღმასრულებელ ორგანოებში:

ა) მუნიციპალიტეტის გამგეობაში – პირველადი სტრუქტურული ერთეულის ხელმძღვანელი;

ბ) მუნიციპალიტეტის მერიაში – პირველადი სტრუქტურული ერთეულის ხელმძღვანელი;

გ) ქ. თბილისის რაიონის გამგებელი, მისი მოადგილე, პირველადი სტრუქტურული ერთეულის ხელმძღვანელი.

მუხლი 17

1. საქართველოს ენერგეტიკისა და წყალმომარაგების მარეგულირებელი ეროვნული კომისიის წევრი, მომხმარებელთა ინტერესების საზოგადოებრივი დამცველი.

2. საქართველოს კომუნიკაციების ეროვნული კომისიის წევრი, მომხმარებელთა ინტერესების საზოგადოებრივი დამცველი.

3. საქართველოს სახალხო დამცველი, მისი პირველი მოადგილე და მოადგილე.

4. საქართველოს ეროვნული ბანკის პრეზიდენტი და საბჭოს წევრი.

5. საქართველოს ცენტრალური საარჩევნო კომისიის თავმჯდომარე, მისი მოადგილე და კომისიის მდივანი.

6. საქართველოს ბიზნესომბუდსმენი და მისი მოადგილე.

7. პერსონალურ მონაცემთა დაცვის სამსახურის უფროსი, მისი პირველი მოადგილე და მოადგილე.

7¹. სპეციალური საგამომიებო სამსახურის უფროსი, სპეციალური საგამომიებო სამსახურის უფროსის პირველი მოადგილე და მოადგილე.

8. საჯარო სამართლის იურიდიული პირის – შემოსავლების სამსახურის საგადასახადო ორგანოს/საბაჟო ორგანოს ხელმძღვანელი.

9. საჯარო სამართლის იურიდიული პირის – საპენსიო სააგენტოს დირექტორი და უფროსი საინვესტიციო ოფიცერი.

10. ეროვნული უსაფრთხოების საბჭოს აპარატის უფროსი და მისი მოადგილე, ეროვნული



უსაფრთხოების საბჭოს აპარატის სტრუქტურული ქვედანაყოფის ხელმძღვანელი და მისი მოადგილე.

საქართველოს მთავრობის 2020 წლის 18 აგვისტოს დადგენილება №511 – ვებგვერდი, 20.08.2020წ.

საქართველოს მთავრობის 2022 წლის 12 აპრილის დადგენილება №199 – ვებგვერდი, 14.04.2022წ.

მუხლი 18

საჯარო სამართლის იურიდიული პირის (გარდა კულტურული, საგანმანათლებლო, სამეცნიერო, კვლევითი, სასპორტო და რელიგიური საქმიანობისათვის შექმნილი საჯარო სამართლის იურიდიული პირებისა და პოლიტიკური პარტიებისა) ხელმძღვანელი და მისი მოადგილე.

მუხლი 19

სახელმწიფოს ან ადგილობრივი თვითმმართველობის ორგანოს მიერ დაფუძნებული არასამეწარმეო (არაკომერციული) იურიდიული პირის (გარდა კულტურული, საგანმანათლებლო, სამეცნიერო, კვლევითი და სასპორტო საქმიანობისათვის შექმნილი არასამეწარმეო (არაკომერციული) იურიდიული პირებისა), რომლის წინა წლის დაფინანსება შესაბამისი ბიუჯეტიდან (სახელმწიფო/ადგილობრივი თვითმმართველი ერთეული) აღემატება ასი ათას ლარს, ხელმძღვანელი.

მუხლი 20

იმ საწარმოს ხელმძღვანელი, რომლის აქციათა ან წილის 100 პროცენტს ფლობს სახელმწიფო ან ადგილობრივი თვითმმართველობის ორგანო და რომლის სახელმწიფო დაფინანსება ან/და ერთობლივი შემოსავალი, წინა წლის მოგების ყოველწლიური დეკლარაციის მიხედვით, აღემატება ასი ათას ლარს, აგრეთვე ამ საწარმოს შვილობილი საწარმოს (რომლის სახელმწიფო დაფინანსება ან/და ერთობლივი შემოსავალი, წინა წლის მოგების ყოველწლიური დეკლარაციის მიხედვით, აღემატება ასი ათას ლარს) ხელმძღვანელი.

მუხლი 21

საქართველოს კონსტიტუციის პირდაპირი მითითების საფუძველზე არჩეული, დანიშნული ან დამტკიცებული სხვა პირი.

